



QUÆSTIO MEDICA  
QUOD LIBETARIIS DISPUTATIONIBUS  
MANÈ DISCUTIENDA  
IN SCHOLIS MEDICORUM

Die Jovis XII. Januarii 1713.

M. JOANNE-BAPTISTA THOMA  
MARTINENQ, Doctore Medico, Præside.

*An ingenii diversitas à Sexu?*

I.

UT à Barbaris differunt nostri homines, eloquio, ritu, moribus, propter diversam habitandi, vivendi, & operandi necessitatem, at in hoc conveniunt, ut homini quos dedit igniculos Deus, pares habeant utrique, ἕλληες οἷον σοφοὶ αἰδρες, οὐδὲν γε σοφώτεσι βαρβαρίων: sic à masculo differat muliercula, sexu, vestitu, specie, ( qualitatibus, partibus & functionibus corporis vix etsi distinguatur apud nonnullos, unde non stupenda ejus transmutatio )

Quod ad ingenii naturam, nihil ab essentiâ illius inter utrumque discriminis, nullum homini proprium quâ vir, nullum fœminæ quâ mulier, at dispersum pro ratâ, duali, par ambobus, & minimè distans ingenium. licentia amens, & lingua intemperans quæ extollit virum, ut deprimat mulierem; quippè quod ex iisdem principiis á Deo conflata, quibus mas, & ad opificis similitudinem facta.

## II

**N**ULLA quandoquidem pro diverso sexu ingenii distinctio, utpote quòd sexus uterque, disjunctus, sive connexus, hominis appellatione veniat, in viro masculum non est, in muliere fœmineum, in hermaphrodito androgynæum; æquè dispersæ sunt qualitates in utrisque, neuter sexus, ne vel ambiguus altero potior, neuter deterior, nec fœmina secundum, sed alterum humanitatis decus, uno patre, unò die, uno partu cum viro edita. Meritò igitur, ait muliebre genus, apud mordacem Poëtam, & clames licet, & mare Cœlo confundas, homo sum; ut injuriosè loquuntur qui differentias inducunt inter marem, & fœminam, naturæ velut accusatores quod non totos generavit masculos: quamvis toga non sit supra stolam, nec typus hominis veriùs agnoscatur in hâc, quàm in illa.

## III.

**V**IRO si præclusa virtus non est, quâ veni-  
rem refugiat, mediante ingenio, præter  
quam si legitima fuerit copula, & mulierem, cujus  
ingenium nequicquam degener, ad arcendam <sup>in ipsos</sup>  
lacerationem, admittit, compressio per sacra nisi

permittatur; rerum iste gnarus existere si potest, rerum peritiæ apta hæc: impetus ei generosos si videant omnes quibus publica sectatur, pares & huic spiritus queis privata relinquit; si malè prensatur declinat, si imperat flectit, si pugnat expugnat, si argumentatur convincit, si medetur curat, si judicat dijudicat, si petit extorquet; unde fides, siue domi, siue militiæ, res à fœminis non secus geri, quàm si mares forent: quod non succussant Sapientes, sed inquietis qui præcordiis vexationem quærunt.

## I V.

**C**ONCESSA, quæso, cur æqualitas, domesticis parietibus addictæ mulieres pronubæ uri flammâ si nequeant, dominari & arma gerere, loquentes & mutas profiteri artes, Judicium & postulantium officio fungi? quæ pectus invidia pulsavit Deum exhonorans, qui urumque edidit hominem, dum vult alterum præstare alteri, cujus auxilio vicissim opus est! an masculus in se, aut fœmina solùm ad nativitatis propagationem sufficiens est? Utrumque eorum nonne coaptavit Divinitas, ad generationis & educationis, regiminis & imperii, doctrinæ & prudentiæ opus? A publicis officiis si removerunt fœminas Romani, propter Caiam Afraniam, quæ quidem effrons, an eisdem contrariâ lege admittere prohibet lex, ut res vortat in earum dedecus, quæ summæ sexus laudi vertebatur?

## V.

**C**UPIDINEIS num aptæ triumphis quotquot sunt fœminæ, colum & fufum tractantne omnes, acum & pensum? Impositum cinerem,

& sopitos an suscitant ignes? Defunt Lucretiæ, Hypetiæ, Tomires, Artemisiæ, Hethæ, Thelesillæ, Aspasiæ, Corneliæ? Defunt Cleopatrar, Michales, Deboræ, Constantiæ, Amœsiæ, Hortensiæ? Extant contrà, & non rarò, haud ignorantes omnium fœminæ, quæ sciunt viri, & sagientes quod prohibent illis attingere, incassum sed vetant; extant quæ linguas callent, versus condunt, & solutam orationem promunt, quæ philosophantur, Mathematicam, Astrologiam, Vaticinatricem, Theologiam profitentur, quid plura? Extant quæ subdio inter armatos versantur, natant, venantur.

*Ergò nulla ingenii diversitas à Sexu.*

Proponebat Lutetiæ ANTONIUS LE MOINE  
Parisinus, Baccalaureus Medicus die Jovis duodecimâ Januarii. A. R. S. H. 1713.

*A sextâ ad Meridiem.*

Domini Doctores disputaturi.

M. Joan. Bapt. Thomas Martinenq, aëlius Moderator.	M. Thomas Bernard Bertrand.	M. Claudius Buvlet, Regis Hispaniarum Medicus primarius.
M. Joan. Henricus Imbert è Regia scientiarum Acad.	M. Ægidius Adam.	M. Alexander Petrus Mattot.
M. Franciscus Pouffe.	M. Camillus Falconet, Med. Regis ordinarius.	M. Alexius Littre, Regia scient. Academiæ socius.

---

PARISIIS,

Apud Viduam FRANCISCI MUGUET, Regis ac Facultatis Medicinæ  
Typographi 1713.